



Հանրապետական մանկավարժահոգեբանական կենտրոն

«Հանրակրթական դպրոցների ուսուցիչների և ուսուցչի  
օգնականների դասավանդման հմտությունների զարգացման  
ապահովում» ծրագիր

## ՀԵՏԱԶՈՏԱԿԱՆ ԱՇԽԱՏԱՆՔ

Դպրոց՝ Վեդի քաղաքի Խ. Սողոմոնյանի անվան հ. 2 հիմնական  
դպրոց

Թեմա՝ Նախադպրոցականի պատրաստվածությունը դպրոցին

Վերապատրաստող, մենթոր՝ Հասմիկ Չարիսյան  
Ուսուցիչ՝ Նարե Բաղիրյան

Երևան 2023

# ՎԵՐԱԾՈՒԹՅՈՒՆ

Ներածություն.....	3
<b>ԳԼՈՒԽ 1. Նախադպրոցական տարիքի երեխաների հոգեկան զարգացման առանձնահատկությունները</b>	
1.1. Նախադպրոցական տարիքի ընդհանուր բնութագիրը և «ես-կոնցեպցիան».....	4
1.2. Նախադպրոցական տարիքում խաղի նշանակությունն դերը.....	5
<b>ԳԼՈՒԽ 2. Երեխայի դպրոցական ուսուցման պատրաստվածության բովանդակությունը և նշանակությունը</b>	
2.1. Հասկացություն դպրոցական ուսուցման պատրաստվածության մասին.....	6
2.2 Ընտանիքի դերը երեխաների դպրոցական ուսուցման նախապատրաստման գործում.....	11
<b>Ցուցումներ ծնողներին .....</b>	<b>15</b>
Ծանոթություններ.....	17
Գրականության ցանկ.....	19



- Հասկանալ երեխայի դպրոցական ուսուցման պատրաստվածության բովանդակությունը և նշանակությունը:
- Ուսումնասիրել ընտանիքի դերը երեխայի դպրոցական ուսուցման նախապատրաստման գործում:
- Փորձարարական հետազոտության միջոցով գնահատել երեխայի պատրաստվածությունը դպրոցին:

**Վարկած:** Ենթադրվում է, որ մայրաքաղաքի երեխաների՝ դպրոցին պատրաստվածության աստիճանը բարձր է, քան մարզի երեխաներինը:

**Հետազոտության օբյեկտը:** Ուսումնասիրման օբյեկտ են հանդիսանում 5-6 տարեկան 60 երեխաները՝ մայրաքաղաքից և մարզից:

**Հետազոտության առարկան:** Հետազոտության առարկան նախադպրոցական տարիքի նորագոյացություններն են և դպրոցին պատրաստվածության հարցերը:

## **Գլուխ 1. Նախադպրոցական տարիքի երեխաների հոգեկան զարգացման առանձնահատկությունները**

### **1.1. Նախադպրոցական տարիքի ընդհանուր բնութագիրը և «ես-կոնցեպցիան»**

Նախադպրոցական տարիքում շարունակվում է երեխայի օրգանիզմի արագ հասունացումը: Ընդհանուր աճի հետ զուգընթաց տեղի է ունենում հյուսվածքների, օրգանների անատոմիական ձևավորումն ու ֆունկցիոնալ զարգացումը: Կարևոր նշանակություն ունեն կմախքի ոսկրացումը, մկանների զանգվածի մեծացումը, շնչառության և արյան շրջանառության օրգանների զարգացումը: Ուղեղի կշիռը ավելանում է 1110-1350 գրամ [18, էջ 59]:

Նախադպրոցական տարիքը բնութագրվում է երեխայի զարգացման սոցիալական նոր իրադրության առաջացմամբ: Նախադպրոցական տարիքի էական առանձնահատկություններից մեկը տարեկիցների հետ որոշակի փոխհարաբերությունների հաստատումն է: Այլ մարդկանց նկատմամբ երեխայի սեփական ներքին դիրքորոշումը

բնութագրվում է սեփական «ես»-ի և մեծերի կյանքի, փոխհարաբերությունների նկատմամբ ցուցաբերվող հսկայական հետաքրքրությամբ:

Նախադպրոցական տարիքին բնորոշ է չկանխամտածված ուշադրությունը, հիշողությունը, խոսքի զարգացումը, հարուստ երևակայությունը և այլն: Նախադպրոցական տարիքի երեխայի մոտ սկսվում է աստիճանաբար ձևավորվել բարձր զգայունակությունը էքզիստենցիալ ապրումների նկատմամբ, «Ես-կոնցեպցիայի» սահմանների նշանակումը:

Նախադպրոցական տարիքի երեխաները, 3,5-ից 4 տարեկան հասակում սկսում են տարբերակել իրենց արտաքինը կամ ֆիզիկական ես-ը, այսինքն մարմինը, որ տեսնում են այլ մարդիկ և շրջապատողներից թաքնված ներքին ես-ը

[19, էջ 181]:

«Ես-կոնցեպցիա»-յի կարևոր ենթակառուցյուններից է իդեալական ես-ը, որը, ըստ երևույթին, նույնպես սկսում է ձևավորվել մոտավորապես 3,5-5 տարեկանում: Այս տարիքում իդեալական ես-ը, թերևս ծնողական կերպարի վրա է հիմնվում ( «Մեծանամ պապայիս նման եմ դառնալու »): Մոտավորապես 4 տարեկանում բարոյականության ձևավորումը նույնպես վկայում է իդեալական ես-ի ձևավորման մասին: Երեխան այս շրջանում անորոշության մեջ է ոչ միայն սեփական ես-ի, այլև տարիքային հիմնախնդրի լուծման հարցում, այսինքն այն բանում, թե ինչպես պետք է լինել, դառնալ լիարժեք մարդ: Այդ հարցում երեխան փորձում է կողմնորոշվել՝ «հետազոտելով» և նմանակելով այն ինչ անում են «լիարժեք մարդիկ»՝ մեծերը: Ընդ որում, նմանակումը, սովորաբար, վերաբերում է մեծերի վարքի զուտ արտաքին կողմին և դրա հետևանքով հաճախ ոչ ադեկվատ, ծիծաղելի է թվում: Մեծերին նմանակելու, մեծ դառնալու երեխայի այս բուռն ձգտումը մեծերի կողմից հաջողությամբ օգտագործվում է դաստիարակչական նպատակներով, ասենք՝ երեխայի արցունքները զսպելու համար «մեծերը լաց չեն լինում» պնդումը «հզոր փաստարկ է» [19, էջ 181]:

## 1.2. Նախադպրոցական տարիքում խաղի դերն ու նշանակությունը

Նախադպրոցական տարիքում գործունեության առաջատար տեսակը խաղն է: Խաղը երեխայի հոգեկանում որակական փոփոխություններ է առաջացնում: Մեծերի հետ համատեղ կյանքով ապրելու երեխաների ձգտումը միայն համատեղ աշխատանք կատարելու հիման վրա բավարարվել չի կարող: Այդ պահանջմունքները երեխաները սկսում են բավարարել խաղի ընթացքում, որտեղ նրանք վերարտադրում են ոչ միայն աշխատանքը, այլև հասարակական հարաբերությունները, իրենց վրա են վերցնում մեծահասակների հատուկ դերեր:

Այսպիսով, հասարակության մեջ իրենց յուրահատուկ տեղը ունենալու հետևանքով երեխաները դերային խաղեր են խաղում, որոնք մեծահասակների կյանքին հաղորդակից

լինելու յուրահատուկ ձևեր են: Խաղի ընթացքում երեխայի առջև առաջին անգամ հառնում են մարդկանց միջև գոյություն ունեցող օբյեկտիվ հարաբերությունները: Նա սկսում է հասկանալ, որ գործունեության պրոցեսին մասնակցելը մարդուց պահանջում է կատարել որոշ պարտավորություններ և նրան որոշ իրավունքներ է տալիս:

Նախադպրոցական տարիքում խաղային գործունեությունը նպաստում է՝

- Կամաձին հիշողության և կամաձին ուշադրության զարգացմանը
- Խոսքի զարգացմանը, մտքի զարգացմանը
- Վարքի սոցիալական ձևերի մոդելավորմանը և ամրապնդմանը

## **Գլուխ 2. Երեխայի դպրոցական ուսուցման պատրաստվածության բովանդակությունը և նշանակությունը**

### **2.1. Հասկացություն դպրոցական ուսուցման պատրաստվածության մասին**

Երեխաներին դպրոցական ուսուցմանը նախապատրաստելը բարդ և բազմատարր խնդիր է, որն իր մեջ ներառում է երեխայի կյանքի և ընդհանուր զարգացվածության գրեթե բոլոր ոլորտները: Այն իրենից ներկայացնում է երեխայի հոգեկանի զարգացման բնութագիրը և ուսումնական գործունեության ձևավորման և նոր սոցիալական միջավայր մտնելու համար անհրաժեշտ հոգեբանական որակները:

Տարբերում ենք երեխայի դպրոցական ուսուցման **ընդհանուր և հատուկ** պատրաստվածություն հասկացությունները, չնայած այս գործընթացի երկու կողմերն էլ հանդես են գալիս որպես մեկ ամբողջություն:

**Հատուկ պատրաստվածության** տակ ենթադրվում է երեխայի մոտ ուսումնական առարկաներից (մայրենի լեզու, մաթեմատիկա և այլն) անհրաժեշտ գիտելիքների, պատկերացումների և ունակությունների առկայությունը: Այս առումով առանձնահատուկ նշանակություն է ձեռք բերում նախադպրոցական հաստատություններում իրականացվող աշխատանքների և տարրական դասարանների ծրագրի փոխկապվածությունն ու փոխհամաձայնեցումը: Սրա հետ մեկտեղ հարկ է հաշվի առնել նախադպրոցականների զարգացման և ուսուցման առանձնահատկությունները՝ հենվելով մանկապարտեզում իրականացվող կրթադաստիարակչական աշխատանքի բովանդակության վրա:

Իրականացնելով դպրոցական ուսուցման հատուկ պատրաստվածության խնդիրը՝ հիմնականում գրաճանաչության ուսուցումը, մանկապարտեզներում անց են կացվում դիդակտիկ խաղեր և վարժություններ, որոնց ընթացքում երեխան սովորում է առանձնացնել բառերում առկա հնչյունները, բառը բաժանում է վանկերի,

նախադասությունը բաժանում է բառերի և որոշակի թվով բառերից ինքնուրույն կազմում է նախադասություններ: Նմանատիպ բարդ մտավոր գործողություններ երեխաները պետք է կարողանան կատարել նաև թվերի հետ՝ հաշվել, թվեր կազմել, մտածել և լուծել առաջադրանքներն ու օրինակները:

Երեխաների դպրոցական ուսուցման հատուկ պատրաստվածության դերն անկասկած մեծ է, սակայն այն արդյունավետ կարող է իրականացվել միայն ընդհանուր պատրաստվածության հետ միասին:

**Ընդհանուր պատրաստվածություն** հասկացությունն իր մեջ ներառում է երեխայի դպրոցական պատրաստության առավել լայն բնագավառներ և բնորոշվում է նրա *ֆիզիկական և հոգեբանական* զարգացվածության մակարդակով [7, էջ 22]:

Նախադպրոցական մանկության բոլոր փուլերում երեխայի ֆիզիկական դաստիարակությանը մեծ ուշադրություն է հատկացվում: Լավ առողջական վիճակը, դիմացկունությունը և անբարենպաստ ազդեցությունների նկատմամբ օրգանիզմի բարձր դիմադրողականությունը, երեխաների դպրոցական ուսուցման պատրաստվածության անհրաժեշտ պայմաններ են հանդիսանում: Ոչ պակաս կարևոր նշանակություն ունեն նաև մարդաբանական տվյալները (հասակը, կշիռը, կրծքավանդակի ծավալը), մտտորիկայի զարգացվածության համապատասխան մակարդակը, հստակ և նուրբ շարժումներ կատարելու ձեռքի ունակությունը, որն անհրաժեշտ է գրելու տեխնիկան յուրացնելու համար: Բավարար չափով պետք է զարգացած լինեն նաև երեխայի կուլտուր-հիգիենիկ ունակությունները:

Դպրոց ընդունվելիս երեխաներն անպայմանորեն հարցազրույց կամ թեստավորում են անցնում: Մանկավարժները ստուգում են նրանց գիտելիքները, հմտությունները՝ այդ թվում նաև կարդալու և գրելու ունակությունը:

Հոգեբանի խնդիրը միանգամայն այլ է. նա բացահայտում է երեխայի դպրոցական ուսուցման հոգեբանական պատրաստվածությունը, որը դպրոցի ընդհանուր պատրաստվածության կարևորագույն բաղադրամասն է կազմում:

Դպրոցական ուսուցմանը հոգեբանորեն պատրաստ լինելու հարցն ունի կարևոր գործնական նշանակություն. այն նպատակ ունի կանխարգելել դպրոցական պայմաններին երեխայի ապահարմարվելու հնարավորությունը: Մասնագետներն առաջարկում են երեխայի դպրոցական ուսուցմանը հոգեբանորեն պատրաստ լինելու տեսական հիմնավորում և այդ մակարդակը որոշելու համար հատուկ մշակված մեթոդիկաներ և թեստեր:

Դպրոցական ուսուցմանը հոգեբանորեն պատրաստ լինելու հիմնավորումը հասակակիցների խմբում դպրոցական ծրագրերի յուրացման համար երեխայի հոգեկան զարգացման անհրաժեշտ և բավարար մակարդակի առկայությունն է:

7. *Էլկոնինի* կողմից ձևակերպվում են դպրոցական ուսուցմանը հոգեբանորեն պատրաստ լինելու հետևյալ չորս պահանջները.

- Իր վարքը գիտակցաբար կանոնների ենթարկելու կարողություն
- Առաջարկված պահանջների համակարգում կողմնորոշվելու կարողության առկայություն
- Խոսողին ուշադիր լսելու և բանավոր առաջադրանքը ճիշտ կատարելու կարողություն
- Պահանջվող առաջադրանքն ըստ տեսողական ընկալման նմուշի կատարելու կարողություն:

Դպրոցի **հոգեբանական պատրաստվածությունը** բարդ գոյացություն է, որը ենթադրում է դրդապատճառային, ինտելեկտուալ ոլորտների, ինչպես նաև կամայնության զարգացման բավականին բարձր մակարդակ: Սովորաբար առանձնացնում են հոգեբանական պատրաստվածության հետևյալ 2 հիմնական կողմերը՝ **անձնային** (դրդապատճառային) և **ինտելեկտուալ**: Վերջիններս անհրաժեշտ են ինչպես երեխայի ուսումնական գործունեության արդյունավետության, այնպես էլ նոր պայմաններին և փոխհարաբերությունների նոր համակարգին հարմարվելու համար [7, էջ 26]:

**Դպրոցական ուսուցման անձնային պատրաստվածություն .**

Ոչ միայն հոգեբաններին, մանկավարժներին այլև ծնողներին էլ քաջ հայտնի է, թե որքան դժվար է երեխային ինչ-որ բան սովորեցնել, եթե նա ինքը դա չի ցանկանում: Դպրոցում հաջողությամբ սովորելու համար երեխան, ամենից առաջ, պետք է ձգտի դեպի նոր դպրոցական կյանքը, հետաքրքրություն ցուցաբերի «լուրջ» պարապմունքների և «պատասխանատու առաջադրանքների» նկատմամբ: Երեխայի մոտ նման ցանկության առաջացմանը կարող է նպաստել մեծահասակների կողմից ուսուցման՝ որպես կարևոր բովանդակային գործունեության արժևորումը:

Դպրոց ընդունվող երեխայի համար բացի ընդհանրապես ուսման նկատմամբ ունեցած վերաբերմունքից, կարևորվում է նաև վերաբերմունքը ուսուցչի, հասակակիցների և ինքն իր նկատմամբ: Նախադպրոցական տարիքի վերջում պետք է ձևավորվի երեխա-մեծահասակ հաղորդակցման ներհարադրային անձնային ձևը (ըստ *Մ. Բ. Լիսինայի*): Մեծահասակը երեխայի համար դառնում է անվիճելի հեղինակություն, որին երեխան ձգտում է ընդօրինակել: Նման հեղինակային մեծահասակի պահանջները կատարվում են, նրա նկատողություններից երեխան չի վիրավորվում, ընդհակառակը, ձգտում է ուղղել իր սխալները և վերանայել սխալ կատարված աշխատանքը:

Ուսուցման դաս-դասարանային համակարգը ենթադրում է ոչ միայն երեխա-ուսուցիչ յուրահատուկ հարաբերություններ, այլև առանձնահատուկ հարաբերություններ այլ երեխաների հետ: Իր էությանմբ ուսումնական գործունեությունը կոլեկտիվ գործունեություն է: Երեխան պետք է կարողանա յուրացնել շփման պաշտոնական ձևը, հաջողությամբ փոխհարաբերություններ հաստատել ընկերների հետ՝ համատեղ կատարելով ուսումնական գործողությունները:

Դպրոցական ուսուցման անձնային պատրաստվածությունն իր մեջ ներառում է նաև որոշակի վերաբերմունք իր նկատմամբ: Արդյունավետ ուսումնական գործունեությունը



ենթադրում է երեխայի կողմից համարժեք վերաբերմունք իր ընդունակությունների, աշխատանքի արդյունքների, վարքի նկատմամբ, ինչն էլ վկայում է ինքնագիտակցության զարգացման բավարար մակարդակի մասին: Դպրոցականի ինքնագնահատականը չպետք է լինի չափից դուրս բարձր և չտարբերակված: Եթե երեխան հայտարարում է, որ ինքը շատ լավն է, որ իր նկարն ամենալավն է (ինչը բնորոշ է ն/դ տարիքի երեխաներին), ապա այս դեպքում հնարավոր չէ խոսել դպրոցական ուսուցման հոգեբանական պատրաստվածության մասին:

Երեխայի՝ դպրոցի նկատմամբ անձնային պատրաստվածության մասին սովորաբար դատում են՝ ելնելով խմբային պարապմունքների ընթացքում նրա ցուցաբերած վարքից, ինչպես նաև հոգեբանի, մանկավարժի հետ ունեցած զրույցների ժամանակ: Գոյություն ունեն նաև հատուկ մշակված զրույցի թեմաներ, որոնք բացահայտում են դպրոցականի ներքին դիրքորոշման առկայությունը (*Ն. Բ. Գուտկինայի մեթոդիկան*): Կիրառվում են նաև որոշ փորձարարական հնարներ: Այսպես օրինակ, երեխայի մոտ ճանաչողական կամ խաղային դրդապատճառի առկայությունը որոշվում է գործունեության որևէ տեսակի ընտրությամբ՝ հեքիաթ լսելու կամ խաղալիքներով խաղալու: Այն բանից հետո, երբ երեխան մի քանի բույե դիտել է սենյակում գտնվող խաղալիքները, նրա համար սկսում են հեքիաթ կարդալ և հեքիաթի ամենահետաքրքիր մասում ընդհատում են ընթերցումը: Հոգեբանը հարցնում է, թե հիմա ամենից շատ նա ինչ է ցանկանում՝ լսել հեքիաթը, թե խաղալ խաղալիքներով: Ակնհայտ է, որ անձնային պատրաստվածության դեպքում գերակշռում է ճանաչողական հետաքրքրությունը, և երեխան նախընտրում է իմանալ, թե ինչ տեղի կունենա հեքիաթի վերջում: Այն երեխաներին, ովքեր չունեն դպրոցական ուսուցման անձնային պատրաստվածություն, բնորոշ է թույլ ճանաչողական պահանջմունքը, և նրանց, բնականաբար, ավելի շատ գրավում է խաղը:

Դպրոցական ուսուցման **ինտելեկտուալ պատրաստվածությունը** սերտորեն կապված է մտավոր գործընթացների զարգացման հետ՝ համեմատելու, համադրելու, առարկաները դասակարգելու, էական հատկանիշներն առանձնացնելու, պատճառահետևանքային կապերը բացահայտելու և եզրահանգումներ կատարելու ունակության հետ: Երեխան պետք է ունենա նաև պատկերացումների լայն շրջանակ՝ այդ թվում՝ կերպարային և տարածական, խոսքի զարգացման համապատասխան մակարդակ և ճանաչողական ակտիվություն [7, էջ 28]:

Ընդգծենք որոշ առավել տարածված ախտորոշիչ մեթոդիկաներ, որոնք թույլ են տալիս բացահայտել ինտելեկտուալ պատրաստվածության տարբեր կողմերը: Երբեմն ինտելեկտի առանձնահատկությունների ուսումնասիրումը սկսում են հիշողության հետազոտումից: Մեխանիկական մտապահման մակարդակը որոշելու համար տրվում են մի խումբ անիմաստ բառեր, օրինակ՝ փիղ, տարի, գնդակ, օձառ, աղ, ձեռք, զարուն և այլն: Երեխան, լսելով այս ամբողջ շարքը կրկնում է այն բառերը, որոնք նա մտապահել է: Կարելի է նաև երեխայից պահանջել կրկնել այդ բառերը որոշ ժամանակ անց:

Լ. Ա. Վենզերը բերում է 6-7 տարեկան երեխաներին բնորոշ մեխանիկական հիշողության հետևյալ ցուցանիշները՝ առաջին անգամ երեխան հիշում է ոչ պակաս, քան 5 բառ 10 բառից, 3-4 անգամ կարդալուց հետո վերարտադրում է 9-10 բառ, մեկ ժամ անց մոռանում է 2 բառից ոչ ավելի:

6 տարեկան երեխայի մտածողությունը կերպարային է և բավականին կոնկրետ: Ակնառու-պատկերային մտածողության զարգացման մակարդակը սովորաբար բացահայտվում է կտրտված նկարների մեթոդիկայի օգնությամբ: Երեխային տրվում են նկարի մասերը, որոնք նա պետք է այնպես դասավորի, որպեսզի մի ամբողջական պատկեր ստացվի: Տարածական մտածողության զարգացման մակարդակը դրսևորվում է տարբեր եղանակներով:

Այս առումով բավականին արդյունավետ է Ա. Լ. Վենզերի «Լաբիրինթոսը»: Երեխան պետք է այլ տնակների կողքին գտնի կոնկրետ տնակը տանող ճանապարհը և սխալ ուղիները: Այս գործում նրան կօգնեն ակնառու տրված ցուցումները, օրինակ՝ ինչպիսի օբյեկտների կողքով (ծառ, թուփ, սունկ) նա պետք է անցնի: Երեխան պետք է կողմնորոշվի լաբիրինթոսի և սխեմայի ցուցումների մեջ, որը ցույց է տալիս տնակին հասնելու ուղիների հերթականությունը:

Բառա-տրամաբանական մտածողության զարգացման մակարդակն ախտորոշող լավագույն մեթոդիկաներից է «Նկարի բովանդակության բացատրությունը»: Երեխային ցույց են տալիս նկարը և առաջարկում պատմել նրա բովանդակությունը: Այս սովորական հնարը պատկերացում է տալիս այն մասին, թե որքան ճիշտ է երեխան հասկանում պատկերվածի իմաստը, կարողանում է արդյոք առանձնացնել գլխավորը երկրորդականից, և, վերջապես, որքան է զարգացած նրա խոսքը: Երեխաներին դպրոց ընդունելիս առավել բարդ մեթոդիկաներ են կիրառվում՝ պայմանավորված երեխաների ինտելեկտին ներկայացվող բարդ պահանջներով:

Դպրոցական ուսուցման հոգեբանական պատրաստվածության կարևորագույն նախադրյալ է հանդիսանում նաև դպրոցական ուսուցման **հույզականային պատրաստվածությունը**: Կամային պատրաստությունը սովորաբար կապվում է նպատակադրման և այն իրագործելու հետ: Ավագ նախադպրոցականներին դպրոցական ուսուցմանը արդյունավետ նախապատրաստելու նպատակով կարևորվում է նրանց մոտ նպատակ դնելու, որոշում ընդունելու, գործողությունները պլանավորելու և որոշ ջանքեր գործադրելու ունակությունների ձևավորման խնդիրը: Ավագ նախադպրոցականը միշտ չէ, որ կարողանում է մինչև վերջ նպատակաուղղված գործել: Բանն այն է, որ նախադպրոցականների (5-6 տարեկան) կամային գործողություններն ունեն իրենց յուրահատկությունները. դրանք իրականացվում են իմպուլսիվ, չկանխամտածված գործողությունների դեպքում, որոնք առաջանում են իրադրային հույզերի և ցանկությունների ազդեցությամբ: Այդ պատճառով էլ պահանջվում է մեծահասակի

օգնությունն ու հսկողությունը, որպեսզի երեխան, հատկապես առաջին դասարանում սովորի հաղթահարել դժվարությունները:

## **2.2 Ընտանիքի դերը երեխաների դպրոցական ուսուցման նախապատրաստման գործում**

Դպրոց ընդունվելը ծայրահեղ պատասխանատու պահ է ինչպես երեխայի, այնպես էլ նրա ծնողների համար: Երեխաների հոգեբանական հետազոտության պրակտիկ փորձը ցույց է տալիս, որ ոչ բոլոր երեխաներն են, որ բազմակողմանիորեն նախապատրաստված են դպրոցական ուսուցման մեջ հաջող մուտք գործելուն: Հասկանալով դպրոցին երեխաների նախապատրաստման կարևորությունը՝ նույնիսկ ուսումնական տարուց մի քանի ամիսներ առաջ կարելի է կազմակերպել երեխաների հետ նպատակաուղղված զարգացնող պարապմունքներ, որոնք կօգնեն նրան կյանքի այդ նոր շրջանում:

Այս առնչությամբ շատ բան երեխայի համար կարող են անել ծնողները՝ նրա առաջին և ամենակարևոր դաստիարակները: Երեխան, որը հաճախում է տարրական դպրոց հոգեբանորեն անցնում է իրեն շրջապատող մարդկանց հետ հարաբերությունների նոր համակարգի: Ապրելով հենց նույն մտերիմների միջավայրում, որը «տուն» է անվանվում, նա սկսում է զգալ, որ իր կյանքը սկզբունքորեն փոխվել է: Նրա վրա ընկնում է ոչ միայն ամեն օր դպրոց հաճախելու պարտականությունը, բայց նաև ենթարկվել ուսումնական գործունեության պահանջներին: Նախադպրոցական մանկության ազատությունը փոխարինվում է կախվածության հարաբերությամբ և կյանքի նոր կանոնների ենթարկմամբ: Ընտանիքը սկսում է երեխային նոր ձևով դեկավարել կապված դպրոցում սովորելու, տնային առաջադրանքները կատարելու, օրվա ռեժիմը խստորեն կազմակերպելու անհրաժեշտության հետ: Իրադրային իմպուլսիվ ցանկությունների անհրաժեշտ զսպումը և պարտադիր ինքնակազմակերպումը երեխայի մոտ սկզբնապես ստեղծում են միայնակության, մտերիմներից օտարացման զգացում, չէ որ նա պետք է պատասխանատվություն կրի իր նոր կյանքի համար և ինքնուրույն կազմակերպի այն: Մկսվում է երեխայի փորձության դժվար շրջանը ոչ միայն դպրոց գնալու, կարգապահ լինելու, այլ նաև տանը, ընտանիքում իր օրը կազմակերպելու անհրաժեշտությամբ:

Ինչպես նշել ենք, դպրոցական ուսուցմանը հոգեբանական պատրաստությունը ենթադրում է բազմաթիվ բաղադրամասերից կազմված գոյացություն:

**Առաջին հերթին** երեխան պետք է ցանկանա դպրոց գնալ, ունենա ուսուցման դրդապատճառներ:

**Երկրորդ հերթին** նրա մոտ պետք է ձևավորվի դպրոցականի սոցիալական կարգավիճակը, նա պետք է կարողանա փոխներգործել հասակակիցների հետ, կատարել ուսուցչի պահանջները, դեկավարել իր վարքը:

**Երրորդ հերթին** երեխան պետք է լինի առողջ, դիմացկուն, հակառակ դեպքում դժվար կլինի դասի և ողջ ուսումնական օրվա ընթացքում դիմանալ

ծանրաբեռնվածությանը: Նա պետք է ունենա ադեկվատ ինքնագնահատման և հավակնությունների մակարդակ: ԵՎ, որ ամենակարևորն է, նա պետք է ունենա համապատասխան մտավոր զարգացում, որը հիմք կհանդիսանա գիտելիքների, կարողությունների, հմտությունների յուրացման համար, ինչպես նաև ինտելեկտուալ գործունեության օպտիմալ տեմպի պահանման համար, որպեսզի երեխան հասցնի աշխատել դասարանի հետ: Որոշ երեխաներ արագորեն շփման մեջ են մտնում ընկերների հետ, դպրոցում իրենց լավ են զգում, մյուսները՝ օտարանում են, մեկը մյուսից խույս են տալիս: Նրանց մի մասը դասերին հանգիստ է նստում, ուշադրությամբ լսում են ուսուցչին և փորձում կատարել հանձնարարությունները, մյուսները՝ շարժուն են, շեղվում են, աստիճանաբար դասի ժամանակ խաղում են և այդ պատճառով ժամանակին չեն կատարում ուսուցչի հանձնարարությունները:

Շատ երեխաներ դպրոց են գալիս լավ զարգացած խոսքով, մյուսների մոտ այն ավելի թույլ է զարգացած և նրանք չեն դրսևորում հարցասիրություն: Ինչից է սա կախված : Նախ և առաջ նրանից, թե ինչպիսի ուշադրություն են ծնողները դարձրել նախադպրոցական տարիքի երեխաների դաստիարակությանը: Իհարկե, առաջին դասարանցիների վարքը և ուսուցումը կապված է նրանից յուրաքանչյուրի տարիքային առանձնահատկությունների և անհատական տարբերությունների հետ: Օրինակ ` 7 տ. երեխայի ուշադրությունը բավականաչափ չէ: Երբ նա հոգնում է կամ դասը նրան ձանձրացնում է, նա սկսում է շուռումուռ գալ, խոսել, նրա ուշադրությունը շեղվում է: Երբեմն երեխաները կարող են իրենց ոչ ճիշտ պահել այն պատճառով, որ նրանք չեն յուրացրել, նրանց համար նոր, դպրոցական վարքի կանոնները կամ չեն հասկացել ուսուցչի հարցը: Ամեն դեպքում երեխաների վարքը և այն դժվարությունները, որոնք նրանք պետք է հաղթահարեն ուսուցման գործընթացում, հմուտ ուսուցչին ասում են այն մասին, որ նախկինում՝ նախադպրոցական տարիքում, այդ երեխաների դաստիարակության ընթացքում եղել են այս կամ այն լուրջ սխալներ, որոնց արդյունքում փոքրիկը անպատրաստ է դպրոցական ուսուցմանը: Հմուտ մանկավարժը այդ ամենը հաշվի է առնում և օգնում է երեխաներին աստիճանաբար մուտք գործել դպրոցական կյանք:

Յուրաքանչյուր ծնող իրենց երեխային ճանապարհելով դպրոց, գիտի, որ նրա համար պետք է կարել նոր զգեստ կամ կոստյում, գնել նոր գրքեր, տետրեր, բայց ոչ բոլոր ծնողներին է հայտնի, թե ինչպիսի դաստիարակչական աշխատանք պետք է տարվի ընտանիքում երեխայի հետ, նախքան նա կսկսի սովորել: Ծնողները պետք է հոգան այն մասին, որ երեխայի դպրոց հաճախելու ժամանակ արդեն նա սովորած լինի ինքնասպասարկման, կարողանա իրականացնել իրեն հանձնարարված ոչ բարդ աշխատանքը, կարողանա լսել մեծահասակներին, չընդհատելով նրանց, լինեն տոկուն, նստակյաց և կարգապահ, խոսքը լինի բավականաչափ զարգացած և պատկերացումներ ունենա շրջապատող աշխարհի և բնության՝ իրեն հասանելի բաների մասին: Փոքրիկին նախապատրաստելով դպրոցին, անհրաժեշտ է դաստիարակել նրա դիտողությունը, հարցասիրությունը: Դպրոցը

աշակերտից (սկսած առաջին դասարանից) պահանջում է ինքնուրույնություն, ինչպես առօրյա կյանքում, այնպես էլ ուսուցման ընթացքում, ուսուցչին ուշադիր լսելու, նրա հանձնարարությունները մտապահելու և կատարելու կարողությունը: Արժեքավոր է, երբ երեխան, որը եկել է դպրոց, արդեն կարող է իր տարիքային հնարավորությունների սահմանում կետրոնացված պարապել, ենթակվել ուսուցչի կողմից հաստատված ընդհանուր կարգ ու կանոնին, հաշվի նստել ընկերների հետ: Երեխային նախապատրաստելով դպրոցին՝ ծնողները պետք է նկատի ունենան վերը նշված խնդիրները և ձգտեն դրանց իրականացմանը: Ընտանեկան դաստիարակության փորձի ուսուցումը ցույց է տալիս, որ շատ ընտանիքներ իրենց երեխային հաջողությամբ պատրաստում են դպրոցին՝ հոգալով նրանց բազմակողմանի զարգացման և այն որակների դրսևորման մասին, որոնք անհրաժեշտ են ապագա դպրոցականին:

Մակայն ծնողների շրջանում այս հարցի շուրջ չկա միասնական, մեկ տեսակետ: Որոշ հայրեր և մայրեր դպրոցի նախապատրաստումը պատկերացնում են միակողմանի՝ հիմնական ուշադրությունը դարձնելով մտավոր զարգացմանը միննույն ժամանակ մոռանալով, թե որքան կարևոր է ձևավորել նրա անձի այլ կողմերը: Որոշ ծնողներ մտածում են, որ մինչև դպրոցը կարևոր է երեխային ուսուցանել գրագիտություն. երեխային սովորեցնել տառերը, նույնիսկ կարդալ, ավելի հեշտ է, քան դաստիարակել ուսուցման համար անհրաժեշտ որակներ, և մեծահասակները հաճախ գնում են այդ ուղիով:

Ավագ նախադպրոցական տարիքի երեխաները շատ են խաղում, պարապում (նկարում են, ծեփում, պատրաստում են խաղալիքներ, արտասանում են ոտանավորներ և այլն), օգնում են մտերիմներին: Նրանց գործունեությունը գնալով ավելի շատ է բաժանվում խաղի և աշխատանքի, պարապմունքի միջև, որոնք հատկապես կարևոր են երեխայի մտավոր զարգացման համար: ԵՎ որքան ուշադիր են ծնողները ղեկավարում այս տարաբնույթ գործունեությունը, այնքան ավելի շատ օգուտ է այն տալիս երեխայի ընդհանուր զարգացմանը, դպրոցի նախապատրաստմանը:

6-7 տարեկան երեխաները հաճախ իրենք են ձգտում գրագիտության, հետաքրքրվում են տառերի անուններով, այս առիթով դիմում են ծնողներին, կամ իրենց սովորող եղբայրներին և քույրիկներին, փորձում են կարդալ: Երեխաների հետաքրքրությունը գրագիտության նկատմամբ կապված է ընտանիքի կուլտուրայի, փոքրիկի սովորելու ձգտման հետ, ընդ որում այդ տարիքի երեխաները իրենց հոգեկան գործընթացների (մտածողություն, խոսք, հիշողություն և այլն) զարգացման մակարդակով ի վիճակի են տիրապետել գրագիտությանը:

**Ինչպե՞ս պետք է ծնողները վերաբերվեն երեխաների այդպիսի հետաքրքրություններին, կարիք կա՞ արդյոք խրախուսել, թե հակառակը՝ անհրաժեշտ է երեխային շեղել:**

Հասկանալի է, որ եթե երեխան հարցնում է տառերի անվանումները, նրան պետք է պատասխանել, բայց և միաժամանակ օգտվել առիթից և ուշադրությունը ուղղել երեխայի

մոտ գրքերի նկատմամբ սիրո դաստիարակմանը և խոսքի զարգացմանը: Երեխաները խաղում, սովորում են գրել մատիտով և փորձում են կարդալ: Եթե երեխայի մոտ չի դրսևորվում գրագիտությանը տիրապետելու ձգտում (հաճախ լինում է, երբ ընտանիքում չկան դպրոցականներ), սա պետք է անհանգստացնի ծնողներին: Կարևոր է, որ երեխայի մոտ զարգանա հարցասիրությունը, հետաքրքրություն գրքի նկատմամբ, որոնց ձևավորումը որոշում է դաստիարակությունը: Օգտակար է նախապատրաստական աշխատանք տանել երեխայի գրագիտություն ուսուցանելու համար: Օրինակ՝ սովորեցնել լսողությամբ լսել, տարբերակել բառերում և վանկերում առկա հնչյունները: Բառերում և վանկերում հնչյունները տարբերելու կարողությունը երեխային կօգնի ապագայում ճիշտ գրել, բառերում տառ բաց չթողնել, չվերադասավորել վերջիններս: **Լուրջ սխալ են գործում այն ծնողները, ովքեր չգիտեն ինչպես հետաքրքրել երեխային և ստիպում են նրան սովորել՝ մոռանալով, թե ինչ տարիքի հետ գործ ունեն:** Հաճախ երեխան մեծ հաճույքով վերցնում է այբբենարանը, նույնիսկ սկսում է արագորեն բառեր կազմել, իսկ հետո հանկարծ փոխում է իր վերաբերմունքը: Այս դեպքում մայրերը երբեմն համոզում են, երբեմն բարկանում և դիմում ֆիզիկական պատժի, սակայն ոչինչ իհարկե չի օգնում արդյունքը նույնն է՝ երեխան չի ցանկանում սովորել: Նման մայրերին ուղղված **խորհուրդը** միանշանակ մեկն է. «**դադարեք երեխային ստիպել**»: Միայն սովորեցնելով, երբեմն ուժով ստիպելով փոքրիկին վերցնել գիրքը կամ տետրը, ծնողները կարող են կոտրել դպրոցում սովորելու երեխայի հաստատականությունը: Ուսուցումը դպրոցից առաջ կարող է օգտակար լինել միայն այն ժամանակ, եթե ծնողները նրան ճիշտ են ուղղորդում:

Որոշ մայրիկներ և հայրիկներ փորձում են երեխային գրագիտություն սովորեցնել շատ վաղ, գրեթե 3-4 տարեկանից: **Մա ճիշտ չէ:** Վաղաժամ ուսուցումը երեխային վնաս է հասցնում՝ այն երեխայի դեռևս չամրացած նյարդային համակարգից պահանջում է ավելորդ լարվածությունը, թեև արտաքինից այն ոչ միշտ է նկատելի: Բացի այդ, փոքրիկը դեռ չի հասցրել ծանոթանալ շրջապատող առարկաների և կենդանի էակների աշխարհի հետ, իսկ նրան ստիպում են ուսումնասիրել վերացական նշանները՝ «տառերը», որոնց միավորումը բառ է կազմում, իսկ այդ բառերի հետևում երեխան երբեմն ոչինչ չունի: Նախ և առաջ անհրաժեշտ է հոգալ շրջապատի դիտման անմիջական ճանապարհով նրա փորձի ընդարձակման մասին, աշխարհը ճանաչելու, փոքրիկ երեխային հասանելի գործունեությունների մասին, առաջին հերթին՝ խաղի, մեծահասակների և հասակակիցների հետ հաղորդակցման ընթացքում: Դպրոցին երեխային նախապատրաստելու հաջողությունը հիմնականում կախված է նրանից, թե ինչպես է ընտանիքում կազմակերպված դաստիարակությունը և ոչ թե այն մասնավոր միջոցներից ու մեթոդներից, որոնք օգտագործվում են ծնողների կողմից:

Հայտնի մանկավարժ *Ս. Ս. Մակարենկոն* շատ ճշտորեն նշել է, որ ոչ մի միջոց չի դիտվել վնասակարության կամ օգտակարության տեսակետից՝ այն առանձին վերցնելով միջոցների համակարգից: Նախ և առաջ ծնողները և ընտանիքի մյուս անդամները պետք է

ամեն ինչում երեխայի համար օրինակ լինեն: Ամենամոտ մարդկանց լավ օրինակի ազդեցությամբ, որոնց հետ երեխան հաղորդակցվում է օրվա տարբեր ժամերին և տարբեր պայմաններում, նա սովորաբար իրեն լավ է պահում:

Եթե ընտանիքում հաստատված են փոխադարձ հոգատարության, օգնության, ուշադրության մթնոլորտ երեխային հեշտ կլինի մուտք գործել նոր, դպրոցական կոլեկտիվ, նա իրեն կզգա առավել վստահ և կկարողանա կատարել դժվար ուսումնական պարտականություններ:

### օáօóáօՍՄ»ñ ÍՄáՕՄ»ñՇՄ

2é3ç3ñíáօՍ »Մù Կ3É31áñáօ3í3ՄՇՄ 1áñáօՇՄ Կ3É3á3íñ3èi»Éáօ Կá3í3íáí ÍՇñ3éíáՕ 1Շ13íiՇí É3Օ»ñՇ Ñ»íլյ3É ԿՍáօԲ-ùñՇՄ3ÍՄ»ñÁ:

#### ✚ à±ñ .áօՍՄÁ áí3

ՄՇ13íiՇí É3ՕՇ Կá3í3íՄ չ` éáíáñ»օՄ»É í3ñμ»ñ3í»É .áօՍՄ»ñÁ, 123ñ.3օՄ»É »ñ»É3Մ»ñՇ áօԲ31ñáօÁՍáօՄÁ, 13èiՇ3ñ3í»É 312ԿíáօÁՍáօՄ:

**É3ՕՇ ÁԿÁ3օսÁ:** É3Օ3í3ñÁ á3èi3éՇ íñ3 օáօօ31ñáօՍ չ` í3ñμ»ñ .áօՍՄ»ñՇ ԲñՇ3Մ3ÍՄ»ñ: օñ»É3ՍՇՄ 3é3ç3ñíáօՍ չ` Ս»ÍՇօ »ñíáօ ñáá» 1Շí»Éáօօ Ñ»íá ÷3í»É 3áù»ñÁ: 2ՍՄáօÑ»í Á3սօԿáօՍ չ` ԲñՇ3Մ3ÍՄ»ñՇօ Ս»ÍÁ: օñ»É3Մ μ3օáօՍ չ` 3áù»ñÁ ` áñáԲáօՍ, Á» áñ .áօՍՄՇ ԲñՇ3Մ3ÍՄ չ` á3Ñí3í:

#### ✚ í3÷-í3÷

ՄՇ13íiՇí É3ՕՇ Կá3í3íՄ չ` 3Սñ3áԿ1»É »ñ»É3ՍՇ .Շí»ÉՇùՄ»ñÁ 12áօՍ. ` Í»Կí Áí»ñՇ í»ñ3μ»ñՍ3É, 123ñ.3օՄ»É áօԲ31ñáօÁՍáօՄÁ, èi»Օí»É μ3ñՕñ íñ3Ս31ñáօÁՍáօՄ:

**É3ՕՇ ÁԿÁ3օսÁ:** É3Օ3í3ñՄ 3èáօՍ չ` Áí»ñ: Սñ3 á3Ñ3ԿՇáí »ñ»É3Մ Í»Կí ÁՇíÁ Éè»ÉՇè Í3÷3Ñ3ñáօՍ չ`, 12áօՍ.Շ 1»áùáօՍ` áá: Áí»ñՄ 3èíáօՍ »Մ É3éÁ:

օñ»É3Մ»ñՇ Ñ»í 3ԲÉ3í»ÉՇè á3Ñá3Մ»É »Մù áօèáօօՍ3Մ ÑՇՍՄ3í3Մ èí12μáօՄùՄ»ñÁ` 12Կ3í3í3áօÁՍ3Մ, Ñ3չáñ13í3ԿáօÁՍ3Մ, .Շí3íօ3í3ԿáօÁՍ3Մ ` Ս3íá»ÉՇáօÁՍ3Մ 3á3ÑáíáօՍ:

#### ✚ ՄՇ13íiՇí É3Օ` §Ծ3ՍÁԿÍԿáՕ í3é»ñí

«Երկրորդ կարգի» ընդհանուր էր 1/2-ը, որը համարվում էր հանրապետության մասնաճյուղի կողմից: Երկրորդ կարգի ընդհանուր էր 1/2-ը, որը համարվում էր հանրապետության մասնաճյուղի կողմից:

Երկրորդ կարգի ընդհանուր էր 1/2-ը, որը համարվում էր հանրապետության մասնաճյուղի կողմից: Երկրորդ կարգի ընդհանուր էր 1/2-ը, որը համարվում էր հանրապետության մասնաճյուղի կողմից:

**Ստորագրված Երկրորդ կարգի ընդհանուր**

Երկրորդ կարգի ընդհանուր էր 1/2-ը, որը համարվում էր հանրապետության մասնաճյուղի կողմից: Երկրորդ կարգի ընդհանուր էր 1/2-ը, որը համարվում էր հանրապետության մասնաճյուղի կողմից:

**1/2-ը համարվում էր**

Ամփոփելով մեր աշխատանքի Գլուխ 1-ինը՝ «Նախադպրոցական տարիքի երեխաների հոգեկան զարգացման առանձնահատկությունները», հանդեցինք այն եզրակացությանը, որ՝



- Ֆիզիկական զարգացումն անհրաժեշտ պայմաններ է ստեղծում ավելի մեծ ծավալի ինքնուրույն աշխատանքների և ուսուցման, դաստիարակության պրոցեսում հասարակական փորձի նոր ձևերի յուրացման համար:
- Նախադպրոցական տարիքի երեխաների մոտ աստիճանաբար սկսվում է ձևավորվել «Ես-կոնցեպցիա»-ի սահմանների նշանակումը: Նախադպրոցական տարիքի երեխաները 3,5 – 4 տարեկան հասակում սկսում են տարբերել իրենց արտաքինը (ֆիզիկական ես-ը), այսինքն մարմինը, որ տեսնում են այլ մարդիկ և շրջապատողներից թաքնված ներքին ես-ը:
- Նախադպրոցական տարիքում խաղը առաջատար դեր է կատարում, այն երեխայի հոգեկանում որակական փոփոխություններ է առաջացնում՝ նպաստելով կամաձին հիշողության և ուշադրության զարգացմանը, խոսքի և մտքի զարգացմանը, վարքի սոցիալական ձևերի մոդելավորմանն ու ամրապնդմանը:
- Երեխաների դպրոցական ուսուցման պատրաստվածության առանձնահատկությունները ժամանակին բացահայտելը կարևորագույն խնդիր է, որի լուծումը հնարավորություն է տալիս ճիշտ մոտեցում ցուցաբերել ավագ նախադպրոցական տարիքի երեխաների և առաջին դասարանցիների ուսուցման ու դաստիարակության կազմակերպման նկատմամբ՝ հաշվի առնելով նրանց անհատական դրսևորումները:

Ամփոփելով մեր աշխատանքի Գլուխ 2-րդը՝ «Երեխայի դպրոցական ուսուցման պատրաստվածության բովանդակությունը և նշանակությունը», կատարել ենք հետևյալ եզրակացությունը.

- Նախադպրոցական տարիքի երեխայի մոտ պետք է դիտարկվեն հետևյալ առանձնահատկությունները՝ *անձնային* պատրաստվածությունը դպրոցին, *հոգեբանական* պատրաստվածությունը դպրոցին, *ինտելեկտուալ* պատրաստվածությունը և *հուզականային* պատրաստվածությունը:

➤ Ընտանիքի զարգացվածության մակարդակը մեծ դեր է կատարում դպրոցական ուսուցման նախապատրաստման գործում: Վաղաժամ ուսուցումը սխալ է. Այն ավելորդ ծանրաբեռնվածություն է առաջացնում երեխայի նյարդային համակարգում: Եթե ընտանիքում հաստատված են փոխադարձ հոգատարության, ուշադրության մթնոլորտ, երեխային հեշտ կլինի մուտք գործել նոր, դպրոցական կոլեկտիվ: Նա իրեն կզգա առավել վստահ և կկարողանա կատարել դժվար ուսումնական պարտականություններ:

**Դպրոցական ուսուցմանը հոգեբանորեն պատրաստվածություն** ասելով հասկանում ենք երեխայի հոգեբանական զարգացման անհրաժեշտ և բավարար մակարդակ, որը նրան թույլ կտա ուսումնական գործունեության ընթացքում յուրացնել գիտելիքների որոշակի ծավալ, որը նախատեսված է դպրոցական ծրագրով: Գիտենք նաև, որ բացի ֆիզիկական պատրաստվածությունից կարևոր է սոցիալ-հոգեբանական պատրաստվածությունը:

Մեր աշխատանքի նպատակից ելնելով կատարել ենք 5-6 տարեկան 60 երեխաների ուսումնասիրություն, մայրաքաղաքի և մարզի երեխաների միջև համեմատություն՝ ուսուցման պատրաստվածության տեսակետից:

Ուսումնասիրել ենք **իմացական ոլորտը** (տարիքային տեղեկացվածություն, տեսողական և լսողական ընկալում, ժամանակ, տարածական ընկալում, ուշադրություն և հիշողություն, կարդալու և գրելու հմտություններ, մաթեմատիկական հմտություններ, խաղային հմտություններ); **Հաղորդակցումը և հույզերը** (միջանձնային հարաբերություններ, հուզական զարգացում): **Բառապաշար** (խոսքի զարգացում, խոսքի իմաստային ընկալում, խոսքի վերարտադրում): **Շարժողական ոլորտ** ( խոշոր շարժունակություն, մանր շարժունակություն ):

### **Գրականության ցանկ**

1. Խաչատրյան Ս. Ն. - «Մանկապարտեզ չհաճախող երեխայի նախապատրաստման պայմանները» Երևան 2005թ.

2. Խաչատրյան Ս. Հ.- «Երեխայի նախապատրաստումը դպրոցին» ( նախաշավիղ 4 ) 2003թ.
3. Խաչատրյան Հ. Վ. - «Մանկան հոգեբանության մշակումներ»
4. Խուդոյան Ս. Ս. - «Անձի զարգացման ճգնաժամային տարիքները», Երևան 2004 թ., 247 էջ
5. Հովհաննիսյան Ա.- «Դպրոցի շեմին» ( օգնություն ծնողներին և մանկավարժներին ) Երևան 2003թ.
6. Հովհաննիսյան Ա. -«Ձեր երեխայի դպրոց գնալը» ( նախաշավիղ 3 ) Երևան 2003թ.
7. Պետրոսյան Մ.- «Հոգեբանական պատրաստվախությունը դպրոցական ուսուցմանը» ( նախաշավիղ 3-4 ) Երևան 2004թ.
8. Սարգսյան Ա.- «Երեխայի հոգեբանական պատրաստությունը դպրոցական ուսուցման», Երևան, 1998
9. Абрамова Г. С.-“Практикум по возрастной психологии”- Москва. 1998
- 10.Абрамова Г. С. -“Практическая психология”.- Екатеринбург. 1998
11. Анастаси А.- “Психологическое тестирование”, кн. 2. Под. Ред. К. М. Гуревича, В. И. Лубовского-М. 1982
- 12.. Блонский П. П.- “Избранные педагогические и психологические сочинения”. Т. 2-М. 1979 (Развитие мышления школьника: стр. 5-30 )
13. Божович Л. И.-“Личность и ее формирование в детском возрасте”, М. 1968
- 14.Венгер. Л. А.- “Психологические вопросы подготовки детей к обучению в школе” (Дошкольное воспитание №4, 1970)
15. Венгер. Л. А.- “Готов ли ваш ребенок к школе?”.- М. 1994
- 16.. Выготский Л. С.- “Проблема обучения и умственное развитие в школьном возрасте”. Избранные психологические исследования, М. 1956, с. 449
17. Смирнова Е. О. - “Детская психология“ М. 2003, с. 368
18. Дураченко О. А., Масич Е. В.-“Шпаргалки экзамену по психологии” Новосибирск, 2000 г., с. 141
- 19.Պետրովսկի Ա. Վ.-«Տարիքային և մանկավարժական հոգեբանություն», Երևան 1977թ., 397 էջ